


日本外史補

北島氏

一

413
614
1



113
614
1-9

113
614
1



日本外史補

岡田氏藏板

日本外史補自序

天正十五年二月
花房仙丈部氏寄贈

文政戊子秋。僑從先師山陽賴先生於京師。讀其所著外史。上起源平二氏。下訖今代。凡六百餘年。其治亂興廢之勢。與忠邪得失之跡。瞭然如視之掌上。特恨元龜天正間。英雄之割據。四國鎮西。及與羽諸方隅者。其事蹟未完備也。後歸家。每讀野乘釋史。苟有可以補益外史。輒錄之以備遺忘。辛卯春。僑復之京師。謁先師。先師方著日本政記。校讎之次。話偶及此。先師曰。余欲補之。而未暇焉。今

日本外史補
岡田氏藏板

託之汝。汝其代而輯之。僑感奮。乃不自揣。略編次。篋中舊草。欲攜往就正。而先師以其明年夏罹疾。竟不起矣。爾來追念其言。恐因循不果。終負師命。於是竊倣外史躰裁。記十四將家事。拮据編纂。殆二十年。至今茲五月。始脫稿矣。蓋此書專補外史所遺漏。故雖爲諸將立家傳。而事載外史者略之。特明其系譜始末。亦先師之意也。僑才乏學陋。不敢當先師所囑。然世之讀外史者。取以參考。庶幾有裨補於萬一焉。若夫見聞淺狹。事蹟踈謬。則謹

竢博雅君子正之。

嘉永三年庚戌秋八月。淡路 岡田僑撰

日本外史補凡例

一 中古至足利氏初。史籍不乏。加之常藩之史。博證廣引。足以取正矣。及近代。記載紛然。年月有先後。事蹟有異同。今採其最明確者。每段分注。所採書。其或異說難裁者。不敢臆斷。直載其說。略加辨析。以俟博古者定焉。

一 引書再見者。節略其名。其不可略者。及易混者。則否。

一 此編專係足利氏末。而足利氏以前。則置而不

記非遺之也。當源平二氏時。天下紛一。無敢抗命立國者。外史既盡之矣。及足利氏末。天下瓜分。群雄割據。人人欲自立。而謀略攻戰之跡。有足記者。外史專記其最大者。而細者不及盡取。此余所以止於足利氏。

一此編壹倣外史躰裁。一記中或插入數家事蹟。錯綜叙之。要識當時成敗分合之勢耳。外史記新田氏。而附載護良親王。記足利氏。而合叙鎌倉。余之記鳴津大友二氏。而附載伊東立花諸

家亦此意。

一十四將家之外。猶有如前田氏等。而遺之者。以事詳于外史也。

一將家及雄長。更名者。例皆書後名。如書足利義材曰義植。書伊東祐清曰義祐。是也。

一外史織田豐臣諸記。徃徃稱東照公。以德川公。余恐其稱謂易混。故今盡書其謚號。

一當戰國時。武人徃徃以官名為通稱。皆書曰稱某。以示非朝廷所命。

一編中有書通稱者。以名闕也。名與通稱共闕者。書其號。

一諸家通稱。及地名難認知者。都邑古今異名者。皆書之行首。以便披閱。

一將家之歿。因其官位。書薨。書卒者。據柩葬令也。外史除足利織田豐臣德川諸記外。皆書曰卒。蓋據左傳及史記也。

日本外史補目次

卷之一

北畠氏

卷之二

大內氏

卷之三

今川氏

卷之四

三好氏

卷之五

長曾我部氏

卷之六

嶋津氏

卷之七

大友氏

附立花氏

卷之八

淺井氏

卷之九

朝倉氏

卷之十

宇喜多氏

卷之十一

里見氏

卷之十二

伊達氏

卷之十三

寂上氏

卷之十四

蒲生氏

卷之十四

蒲生氏

日本外史補引用書目

神皇正統記

南方紀傳

櫻雲記

保曆間記

細細要記

元弘日記

元弘日記裏書

關城書

園大曆

椿葉記

北畠系圖

北畠物語

勢陽雜記

勢州兵亂記

一本兵亂記

伊勢卷

日本外史補

引用書目

一

岡田氏藏

結城文書

相馬家傳

諸家傳

大河內記

多藝記

歷名土代

伊勢國司分限帳

舟木系圖

野呂系圖

內宮子良館舊記

內宮延德記

北畠陣沒法名帳

一社奉幣記

關岡家始末

澤家文書

羽林咏草

兩宮兵亂記

太平記

異本太平記

應仁外記

應永記

重編應仁記

歷代記

建內記

室町日記

足利官位記

菅原和長記

尊卑分脉

公卿補任

足利季世記

二川分流記

王代一覽

寬永系譜

藩翰譜

武德大成記

武德編年集成

日本外史補

引胸書目

臨田氏藏版

日本外史補
引所書目
阿部氏親所

武德安民記
京都將軍譜

信長記
總見記

織田信長譜
信長記拾遺

太閤記
豐臣秀吉譜

大內義隆記
大內系圖

大內記
吉田物語

安西軍策
尼子系圖

陶系譜
野上系譜

中國治亂記
今川系圖

今川記
三好系圖

阿州將裔記
三好別記

三好記
三好成立記

十河物語
讀史餘論

南海治亂記
平嶋系圖

土佐軍記
土佐物語

南路志
長曾我部元親記

土佐國蠹簡集
嶋津世祿記

嶋津記
嶋津家譜

日本外史補
一月書目
阿部氏親所

日本外史補 引用書目 薩摩兵亂記

薩州舊傳記

薩摩兵亂記

九州記

九州治亂記

九州軍記

日向記

大友記

大友系圖

大友興廢記

豐後國史

豐前覺書

立齋舊聞記

立花家譜

淺川聞書

國恩錄

薦野家譜

近代實錄

高橋記

淺井三代記

淺井物語

鎌倉物語

結城物語

赤松記

朝倉始末記

朝倉義景記

加越鬪爭記

船田軍記

明智軍記

伽這兒

一向宗大系圖

浦上浮田兩家記

備前軍記

伊達成實記

伊達優覽志

伊達三代略

命期集

日本外史補 引用書目 同日代歲反

仙臺武鑑

會津四家合考

葦名家記

取上記

義光功績錄

里見記

里見代代記

里見九代記

房總治亂記

房總軍記

相州兵亂記

關東古戰錄

蒲生軍記

蒲生家記

蒲生盛滅記

蒲生氏鄉記

氏鄉武功錄

關原記

慶長軍記

關原記大全

關原合戰誌

石卯餘史

關原誌記

魔釋記

落穂集

朝鮮聞書

朝鮮征伐記

征韓錄

大阪城中日記

難波戰記

渭水聞見錄

元和先鋒錄

黒田家譜

甲陽軍鑑

川中嶋五戰記

明良洪範

日本外史補 弼朋書目 五 岡田氏藏

常山紀談

武功實錄

責而者草

武野燭談

窓之須佐美

雨夜燈

武家盛衰記

武將感狀記

諸家大秘錄

老人雜話

寬永小說

岩淵夜話

上杉家將士列傳

勇士武功傳

智將名言集

駿臺雜話

武事紀談

兵家茶話

熊澤了介事跡考

鹽尻

武邊咄聞書

勇士物語一言集

武者物語

武家閑談

元寬日記

駿河土産

與羽永慶軍記

義公行實

政談

伊勢國司紀略

大日本史

烈祖成績

逸史

羅山文集

日本外史補 弼朋書目 六 岡田氏藏

日本外史補
引冊書目
卷之六
師田氏藏

錦里文集

南浦文集

立齋墓誌

丈山年譜

丈山墓誌銘

南郭文集

懲苾錄

日本外史補卷之一

北畠氏

建武之亂。以廟堂垂紳之臣。居帷幄節制之任。與楠氏新田氏。方駕並馳者。唯北畠氏為然。外史於楠氏記中。附載北畠氏。而至顯能子孫。以伊勢國司勤王事。則闕如。不無遺憾也。夫正平以降。南朝日衰。兵寡力微。僅保彈丸之地。而足利氏舉數十倍之兵。犯吉野。竟不得逞其志者。以北畠氏為行宮應援也。當是時。北畠氏國富兵強。屢抗禦大敵。

日本外史補
卷之二
師田氏藏

屹為藩屏。南朝賴守神器者五十餘年。其所關係豈少小哉。故余最詳國司之事。使覽者知其功不出楠新田二氏之下云。

北畠氏。姓源。其先出於村上天皇子具平親

中院入道雅定

土御門大納言通方

萬里小路雅家

王親王子師房。寬仁中。賜姓源。師房孫曰雅實。稱久我氏。雅實子曰雅定。稱中院氏。雅定曾孫通方。通方第三子曰雅家。始稱北畠氏。雅家生師親。師親生師重。師重子曰親房。世為公卿。北畠系圖永仁元年。親房叙從四位下。後歷左少辨。參議。右近衛中

將。補檢非違使。別當。拜權大納言。兼淳和獎學兩院別當。陸奧出羽按察使。叙正二位。為世良親王傅。元德二年。世良親王薨。親房不堪悲悼。削髮辭官。親房歷事五朝。有時望。及其退居。朝野惜之。親房長子顯家。年甫十四。元弘元年。任參議。兼左近衛中將。二年。後醍醐天皇討北條高時。親房再出准大臣。叙從一位。三年。顯家任彈正大弼。時高時既伏誅。帝以東陲未定。拜顯家為陸奧守。奉義良親王出鎮。陸奧出羽。命親房輔之。顯家固辭。

日本外史補 卷之二 關田氏藏版

不許親書旗銘并戎器衣馬賜之親房父子至任

踰月二國盡服親房乃歸京師建武元年顯家以

功叙從二位大日本史二年親房以三子顯信顯能顯

雄如伊勢尋歸京師南方紀傳櫻雲記按伊勢國

能中院中將源貞平子也親房子養之大日本史

據之然寬永系譜及諸本系圖皆以顯能為親房

第三子與尊卑分脉同系圖時 帝使足利尊

氏討北條時行或告其懷異志 帝始疑尊氏

將討之親房與藤原公明諫曰尊氏罪狀未著而

遽加顯誅恐人心搖請姑察其動息帝嘉納之欲

遣使喻旨使未逮往而尊氏反據鎌倉十一月

帝使新田義貞率諸軍奉尊良親王以討尊氏

太平記詔顯家兼鎮守府將軍神皇正統記公卿補

鎮守府將軍係發兵與義貞俱攻鎌倉顯家集兵

管內少應者乃率見兵奉義良親王轉戰而進關

書太平記按大日本史顯家傳引二書曰延元

年詔顯家奉義良親王與新田義貞俱攻足利尊

氏於鎌倉今關太平記建武二年十一月義貞

東伐時詔顯家發兵討尊氏非延元元年也逮

抵鎌倉義貞等軍既敗退尊氏追而西上時西北

官軍新田義興千葉貞胤等來屬凡五萬餘人顯

日本外史補 卷之二 關田氏藏版

家率諸軍以尾尊氏晝夜兼行。明年正月。至近江。太平

記尊氏既陷京師。親房從。駕赴叡山。異本太顯家使

大館幸氏攻取觀音寺城。斬首五百級。直泛湖至坂

本。與義貞攻細川定禪於園城寺。走之。遂與諸將分

道攻京師。顯家以兵三萬。自粟田口縱火而進。與尊

氏戰于四條。勝敗未決。義貞以三萬人橫擊破之。太平

記斬尊氏叔父上杉憲房父子。櫻雲二月。尊氏棄京

師。走攝津。我軍追戰豐嶋。顯家挺身而進。諸軍繼之。

尊氏大敗。走筑紫。車駕還京師。顯家與義貞等凱

旋兼右衛門督。檢非違使。別當。帝以四方賊黨

猶繁。拜顯家權中納言。奉義良親王。復如陸奥。顯家

上書請為鎮守府大將軍。詔許之。大日本史五月。顯家攻

那須城。遂拔小高城。斬相馬光胤兄弟。南方紀傳是

月。足利尊氏率鎮西兵。東上犯京師。新田義貞楠

正成等拒之于兵庫。大敗。正成歿之。京師震駭。親

房復從。駕赴叡山。大日本史冬。帝納尊氏降。還

京師。尊氏幽。帝於花山院。親房與顯能走伊

勢。顯信在伊勢。俱起兵。擊國中叛徒。盡平之。參取

異本

日本外史補編 卷之四 顯信

太平記細細要記伊勢卷顯信密奏請圖恢復。帝因潛幸

吉野。保曆間記親房聞之乃赴行在。延元二年陸奧將

士聞京師再陷。帝被幽多叛應足利氏顯家

與戰不利奉義良親王保靈山城。大日本史既而使者

至自吉野詔顯家舉兵顯家大喜附使者奏曰臣

當速夷本州之亂赴行宮。七月顯家遣東彌九郎

楠左近藏人伐佐竹義篤吉原源藏人。南方紀傳櫻雲記

馳檄遠近徵兵結城宗廣首應之伊達信夫南部

諸郡兵來集六千餘人先是顯信來在陸奧顯家

靈山城在伊達郡

上野介宗廣削髮號道忠

以為副將自紆諸軍奉義良親王而西至白河關

兵來屬者十餘萬顯家欲先攻鎌倉十二月入下

野足利尊氏子義詮在鎌倉遣兵拒之利根川顯

家擊大破之。大平記進至武藏戰薊山安保原克之

遂入鎌倉戰小壺及松本前濱腰越皆破之義詮

力盡出走。南方紀傳櫻雲記三年正月顯家發鎌倉西上

至尾張大官司源雄堀口貞光等來屬我軍大振

既而上杉憲顯桃井直常芳賀禪可等收敗兵躡

我軍後。南方紀傳今川範國吉良滿義土岐賴遠等並

民部大輔憲顯播磨守直常兵衛入道禪可

日本外史補編 卷之四 顯信

起應之。櫻雲記顯家至垂井。還擊直常賴遠等於青

野原破之。二月。足利尊氏使其將高師泰率兵來

拒之于黑地川。顯家聞之。轉道伊勢。赴吉野。南方紀傳

師泰尾至雲津川。顯家返擊卻之。遂抵南都。將攻

京師。尊氏大懼。使桃井直常等來拒。顯家邀擊之

于般若坂。我軍遠來兵疲。戰不利。顯家走河內。使

顯信據男山。而自軍天王寺。義良親王歸吉野。五

月。敵將高師直圍男山。自簡精兵來攻天王寺。顯家

與戰克之。既而再戰。大敗。以二十餘騎潰圍走。過安

部野。中流矢薨。年二十一。從騎皆歿之。師直合兵復

攻男山。顯信拒戰。七月。師直乘夜火石清水祠。城中

驚擾。賊兵乘之。競登。顯信棄城走河內。敗聞。至吉野。

舉朝震懼。太平記帝悼惜顯家。贈從一位。關城右

大臣。系圖子顯成。事吉野。為檢非違使。別當。從二位。權

大納言。閏七月。顯能叙從四位下。為伊勢國司。治于

多藝。南方紀傳。櫻雲記。按伊勢卷。顯能為伊勢國司。係建武二年。是時。新田義貞

亦戰。歿于越前。足羽。官軍不振。結城宗廣奏請重遣

親王鎮陸奥。詔以顯信叙從三位。任中將。兼陸奥介。

鎮守將軍宗廣副之奉義良親王往鎮焉親房復

為之輔東國官軍盡從節度九月自伊勢航海遇

颶風親房與親王及顯信宗廣等相失漂抵常陸

依小田治久于小田城招輯東北諸國顯信護義

良親王還至伊勢正統記元弘日記裏書關十月

歸吉野細細要記四年二月顯信如陸奧正統記細五

月治于白河城元弘三書皆係興國元年今據南朝古

文書改之按國司紀略曰南方紀傳櫻雲記諸書

皆以為興國元年之事是由以延元四年為興國

元年致誤也太平記亦以延元四年已卯為興國

元年非也南朝古文書金石遺文並以延元五年

庚辰改元興國可證按先是顯信為陸奧介至是

為陸奧守歟櫻雲記云是時顯信為陸奧國司太

平記是歲八月之條曰與州新國司顯信云發兵

云凡南朝叙任公卿補任不載故不得其詳

入下總襲足利基氏將高師冬於駒城師冬火城

而走遂下八丁日垣本鷲宮善光寺四城進拔飯沼

東國悉平結城文書八月 天皇崩義良親王即位是

為 後村上天皇時 帝幼不能親政親房遙

奏請權大納言藤原實世中納言藤原隆資總括機

務從之太平記興國三年秋親房仍在小田城先是宇

津峰親王至常陸親房迎奉之於城中四年三月佐

竹相馬結城諸族合兵來圍小田城親房擊破之

斬結城直朝敵以薪草填濠募礦夫鑿地道俄而

土崩礦夫盡壓死又樹重柵於城外我兵出爭之

破柵結城文書按國司紀略曰大日本史據結城文書以此戰為攻關城今閱結城文書乃攻

小田城非會高師冬將大軍來攻五月親房遣使

請援於結城親朝親朝宗廣子也宗廣既死親朝

觀望不肯出援六月師冬迫城親房出擊大破之

斬首千餘級既而糧竭賊兵益張相持累月小田

治久叛降師冬親房使春日中將顯時奉宇津峰

親王徙大寶城而自徙關城師冬分兵圍二城陣

其中間城中益困親房數遣使趣親朝手書懇至

親朝不來結城文書櫻雲記五年二月親房又貽書讓以

大義曰去夏與賊相持小田城守拒良苦所仰唯

在足下之援前得報書聽出兵相救玆至仲冬而

治久畏懦降賊自徙關城以來又亘三月未見一

人來援也方今東國為官軍守者下妻真壁中郡

西明寺伊佐與關城而已危急不可道然得足下

來援則伊達以西必有響應者而足下坐失機會

日本外史補 卷之三 關田氏藏

洵可惜也。夫我國神聖承統，苟圖不軌者，不旋踵殄滅。高氏何爲者，盜據中原已七年，罪惡貫盈。在昔逆臣如平將門，六年而滅。安倍貞任，十二年而夷。則彼之顛擠，天將有待而發也。自古大奸巨猾，所以得保首領，延歲月者，誠以其智勇有過衆也。彼則非有偉度遠略，可以庇其子孫，使家奴師直輩，憑藉虎狼之威，凌轢世家將種，罪浮于前日之高時。所謂世家本皆王臣，保平以還，降隸源平，承久以後，又屬陪臣。覩乃家譜，豈不心愧。方今遭逢

聖運，親承綸言，朝爵復故，誠志士盡忠之秋也。天慶之役，公遠祖鎮守府將軍，夙著勲功。子孫屹爲名流，論其門閥，豈出源平下。乃父上野介朝臣，深存忠貞，圖恢復，振家聲，乃兄親光朝臣，又以死義著名。足下爲冢嗣，宜繼前志，以耀後昆。乃依違觀望，將何顏見祖考於地下也。親房受先帝遺託，據孤城以控八州，恐一旦隕命，四方解體。且賤息出鎮三年，資性淺劣，傍無輔翼，衆情危疑。親房死後，可與濟事者誰也。今日足下有異圖，則已矣。苟欲

播磨守藤房

全忠義豈不勉力。所以云云者。為天下而非敢愛
餘命也。節取關城書親朝辭以兵寡。遂叛降足利尊氏。
親房遣使命顯信來救。亦為親朝所沮。不果來。城
竟陷。親房脫走歸吉野。大寶城亦陷。宇津峰親王。
走依顯信于白河。關城書裏書。結城文書。關東官軍不復振。
近畿獨有楠和田諸族。護吉野行宮。而顯能據伊
勢為之應援。先是足利氏將高師秋攻伊勢。顯能
拒之連年。北伊勢豪族工藤藤房以長野城叛。降
師秋。顯能攻長野不利。桑名鈴鹿安濃諸郡皆附

師秋。親房之走吉野也。過伊勢。其從兵有佐野某。
藤房族也。顯能因今佐野招降藤房族雲林院出
羽。細野掃部。七年三月。顯能遣兵攻長野。出羽掃
部以五百騎來屬。城中有應者。導納我兵。城即下。
藤房自殺。割其邑賞二人。使出羽守長野。九月。高
師秋來攻長野。顯能遣兵赴救。接戰不決。明年春。
我兵乘風雨襲師秋。縱火其營。城兵出夾擊破之。
師秋遁去。正平二年春。顯能遣大官尾張守略志
摩。盡定之。伊勢卷九月。顯信與吉良貞家等戰。不利。

逃走出羽

飯野文書

三年高師秋復來攻長野顯能自將

擊卻之四年正月楠正行和田正朝與高師直戰于

四條啜死之師直遂犯吉野顯能得報不暇聚兵自

將五百騎赴援明日抵大和橘寺北兵既以前夜去

見卒數百守其糧餉而南望吉野烟焰接天顯能切

齒曰吾悔後期使賊至此直擊破橘寺焚糧師直既

火行官

帝避賊於宍生賊窮追期必獲之聞我

焚其糧乃懼引兵去顯能欲追擊春日部高貞諫之

乃赴吉野入謁時官軍新敗群臣恟懼及顯能至衆

判官高貞

情稍安顯能輸材於吉野營皇宮

帝賞其功叙

顯能從三位

伊勢卷

五年足利尊氏弟直義與尊氏生

隙上書請歸順廷議不決親房奏請納降

帝從

之

太平記

高師直恃足利氏寵擅橫衆嫉之其姪師秋

憑勢數侵伊勢是歲復入伊勢攻長野顯能擊大破

之師秋脫走保矢田城及直義降北伊勢盡畔師秋

六年正月師秋棄矢田城走土兵並起遮路盡亡其

兵獨身微服過鈴鹿我兵捕之伏誅

伊勢卷

二月直義

叛走關東尊氏欲往擊之恐官軍窺其後請歸順

日本外史補 卷之一 十一 岡田氏藏

帝知其情亦佯許之尊氏乃留其子義詮京師而

東參取太平記園太曆毛利家天正本太平記是月顯信在出羽遺書相

馬親胤招之尋舉兵國中多應者九月顯信奉宇津

峰親王發出羽入陸奥親胤送款約出兵既而負約

不來白河文書相馬文書是歲親房准三官聽乘輦入官顯能

任右近衛大將大日本史七年春帝親將討足利義

詮軍天王寺親房輔之使諸將攻京師顯能率伊勢

伊賀兵會行營與楠正儀和田正忠等分道進擊復

京師義詮走近江帝駐駕男山勅親房顯能

總決京師諸務執北帝崇光及光嚴光明二上皇幽

之吉野既而義詮兵來攻顯能邀戰大渡不利退拒

之園殿口賊縱火民家乘烟而進我兵不支顯能走

至男山行營遂與親房從駕還吉野參取太平記園太曆毛利

家天正本太平記是時足利氏將仁木義長為伊勢

守護入北伊勢攻陷長野遂追多藝留守大官尾張

守拒戰卻之顯能尋就國將攻長野有疾不果伊勢卷

八年五月顯信屢與賊戰不利再走出羽尋歸吉野

飯野文書九年四月親房有疾薨于賀名生年六十二四

賀名生即宍生也正平七年正

日本外史補 卷之一 十一 岡田氏藏

月改為賀名生

子顯家。顯信。顯能。顯雄。顯雄不詳所終。大日本史女為中

官。細細要記親房受先帝遺託。輔幼主。深嘆中興不遂。皇

紗垂絕。乃作神皇正統記。明南朝為正統。其探微闡

幽。有合春秋遺旨云。所著有職原鈔。東家祕傳。元元

集。古今集註。大日本史十年夏。足利氏將六角氏賴。侵伊

賀。春日部高貞為伊賀日代。拒戰中箭歿。兵潰。顯能

自將赴救。擊氏賴走之。命高貞子高宗襲父職。天花

寺源藏人秋山右京亮為副。十五年二月。足利義詮

與足利基氏宰畠山國清合兵二十萬侵吉野。

彌太郎高宗

判官氏賴創髮號崇永

大膳大夫賴康

帝避賊於賀名生。顯能聞警。將三千騎。軍伊賀大和

界。欲襲義詮營。會官軍不利。諸城皆陷。賊進逼。行在

顯能分兵塞賊糧道。賊乏食。多逃亡。義詮國清引

去。顯能遂徇大和。楠氏和田氏亦擊破河內。紀伊

賊。伊勢卷十六年。仁木義長以長野降官軍。先是。義

長在京師。恃足利氏寵驕縱。與畠山國清等生隙。

遁來據長野。與六角氏賴。土岐賴康戰敗。至是由

顯能乞降吉野。北伊勢盡屬官軍。細細要記是歲

大館氏清為伊賀關岡城主。屬顯能。關岡家始末十九

年義長叛顯能伐之踰年義長走京師伊勢卷二十

二年平一揆自武藏來奔平一揆者平重盛裔也

世居關東屬官軍與葛山次郎爭邑據川越城足

利基氏助次郎攻陷川越以故來奔居鈴鹿郡關

谷久我因稱關氏南方紀傳櫻雲記按國司紀略

關氏本屬足利氏與櫻雲記不合恐非顯能給以關河崎鹿伏兎國

府諸邑由是關氏深戴顯能其黨有關盛弘峰長

門守鹿伏兎左京亮國府彈正忠神戶盛遠皆屬

部下細細要記南方紀傳二十三年 天皇崩皇太子寬

正即位是為長慶天皇大日本史二十四年九月顯

能與土岐賴康戰克之遂入三重郡攻下諸城是

歲顯能拜內大臣細細要記南方紀傳按伊勢卷

顯能為內大臣係正平二十三年建德元年八月顯能奉敕自將徇伊賀九月遣

兵略近江與六角氏戰信樂破之二年六月略安

濃郡與土岐康政戰走之復安濃文中元年仁木

義長復來侵顯能擊卻之參取南方紀傳櫻雲記細細要記大館

氏清自伊賀來援要擊義長於鈴鹿山獲其族義

信關岡家始末十一月顯能叙從一位任右大臣細細要記

伊勢卷按南方紀傳作九月二年。天皇讓位皇太弟熙成。

是為後龜山天皇。三年春顯能發兵略大和。

天授三年秋伊賀賊起顯能自將平之。細要記六年

十一月顯信薨。南方紀傳櫻雲記按國司紀略曰北畠系圖云正平十四年顯信戰

歿于筑後川。太平日本史據之。按系圖多後人追錄者不可盡信。太平記載歿於筑後川之戰有北畠源

中納言者作系圖者誤認以為顯信採以記之所謂中納言者乃櫻雲記所記顯信子信親非顯信

也。顯信進右大臣是歲薨。細要記南方紀傳櫻雲記等載之詳矣。三子信親守親

親紘。系圖尊卑分脉信親任中納言。正平中從征西將軍

懷良親王討少貳賴信於筑前戰死于筑後川。太平

記櫻雲記守親為嗣。正平中為陸奥國司糾合伊達信

夫田村諸郡數與白川彈正少弼戰。細要記櫻雲記其

裔居波岡世襲國司號。一本系圖弘和三年七月顯能

薨。櫻雲記顯能為人忠勇常以恢復為任其志見吟

咏。事見新葉集生二子長子顯泰嗣次子顯俊為水造

城主因稱木造氏。寬永系譜按國司紀略曰尊卑分脉以顯泰為顯俊弟非也泰

一作當是時顯家顯信子孫皆微而顯能之後獨

顯于伊勢世襲國司管轄南伊勢五郡伊賀名張

郡大和宇多郡紀伊熊野及志摩以藩屏南朝。南方

日本外史補 卷之二 五 岡田氏藏版

紀傳 櫻雲記 元中九年足利義滿奏請吉野講和議顯

泰聞之上奏極陳其不可 帝不聽十月 駕

還京師讓位 後小松天皇朝臣不欲扈從者

皆來奔義滿使大納言久我某來諭以和顯泰不

肯義滿再說以兩紗迭立如元弘以前故事且遣

誓書顯泰意解和議乃成是歲北朝明德三年也

伊勢卷 明德四年九月義滿來伊勢拜神祠遂見

顯泰授偏名其長子親能更名滿泰南方紀傳 櫻雲記

應永六年大內義弘叛據堺城義滿發諸國兵

討之自將軍男山顯泰往會于軍十二月以輕騎

三百與義弘戰不利滿泰死之顯泰走東野聚散

兵兵皆飢適有墓埋者顯泰就墻間取食以佛蓋

為旗號再進薄城力戰大破之義弘既亡義滿賞

之以伊賀半州及近江甲賀郡自是北畠氏世以

佛蓋為旗號寬永系譜 九年十月顯泰薨南方紀傳 按伊勢卷係應

永三年 至正二位權大納言系圖分脉 諸家傳 兼右大將南方

紀傳 次子滿雅嗣任左近衛中將寬永系譜 諸家傳 十九年

八月 後小松天皇讓位皇子實仁是為

稱光天皇初足利氏約兩統迭立至是 後龜

山皇子當立時義滿既死子義持為將軍不欲立

南朝之後以故立 稱光 椿葉記按國司紀略曰伊勢卷後小

松禪位係應永二十一年誤也又以滿泰為滿雅父乖謬尤甚應永六年堺城之戰滿泰歿之滿雅

以弟承父顯泰後南方紀傳諸書可徵 滿雅訴之欲如約足利氏不

聽乃謀起兵四方官軍並起應之二十一年九月

滿雅徵發管內兵關神戶峰國府鹿伏兔諸族及

伊賀大和志摩諸軍來集獨木造俊康從足利氏

於京師俊康顯俊子也二十二年滿雅攻下木造

城今俊康弟雅俊守之 南方紀傳櫻雲記本書皆以雅俊為滿雅弟今據分

脉正 留兵多藝及坂內田丸諸城而自據阿射加

今弟顯雅守大河內城顯雅因稱大河內氏既而

足利義持使土岐持益及木造俊康世保康政仁

水滿長等來攻陷拜野城遂圍木造城雅俊不能

拒棄城走坂內俊康入守城滿雅遣兵拒岩田川

不利持益分兵二道來圍阿射加 南方紀傳櫻雲記 滿雅

以六千人拒守 伊勢卷 敵兵薄八田某所守柵滿雅

命舟木正尚助八田正尚驍武以勅弓巨箭射殪

左京大夫持益
大膳大夫康政

敵舟水敵乃退築長圍為持久之計滿雅覘其情

襲破敵營敵又絕水道城中苦渴滿雅令圍人撒

米於馬背為浴馬之狀敵望見以為水不乏也意

大沮會今德柳原八田諸城並起塞敵糧道持益

懼引去南方紀傳櫻雲記伊勢卷滿雅拘俊康使其子持康承

後系圖按伊勢卷以八月足利氏遣使來講和約

帝後當傳南朝皇子滿雅乃聽和四方官軍亦息

兵正長元年七月稱光天皇崩無嗣將軍足

利義教復索北朝皇族立之是為後花園天

皇後龜山皇子小倉王與其子自京師來奔

滿雅憤足利氏數倍約乃奉小倉王起兵南方紀傳櫻雲

記小倉王事從椿葉記按國司紀略曰小倉王名

不詳南方紀傳櫻雲記伊勢卷並作寬成親王非

也當從椿葉記椿葉記唯稱小倉官其子名亦

不詳後為勸修寺大僧正稱教尊巡狩錄辨之永

亨元年七月足利氏將仁木持長一色義貫來攻

滿雅拒戰破之土岐興安世保持賴援持長滿雅

邀擊之于岩田川走之亂次追躡既而興安持賴

返戰我軍不利滿雅厲眾格鬪死南方紀傳椿葉

記按國司紀略

曰伊勢卷永亨十二年滿雅以病卒櫻雲記岩田

川之役滿雅與顯雅俱降足利氏永亨十二年卒

日本外史補 卷之二 滿雅

皆難信。今按後崇光院所記椿葉記曰。梟子教具

嗣猶幼。叔父大河內顯雅攝國事。參取補任分脉。寬永糸譜按國

司紀略曰。南方紀傳。櫻雲記。並以顯雅為真國司。皆誤。足利氏欲

乘我喪攻之。見其有備。乃復議和。顯雅亦以新喪

主許之。南方紀傳。櫻雲記。亨德元年九月。顯雅削髮而老。

教具始親政。補任。應仁元年。管領細川勝元與山名

持豐構兵於京師。教具遣兵援勝元。以衛皇宮。將

軍足利義政。以伊勢守護一召義直黨持豐。褫其

職。命世保政康代之。來泊于五箇莊。八月。義政弟

義視避亂來奔。教具厚奉之。調發國中。以充供費。

政康沮命。教具怒。擊政康。應仁二年。義視還京師。

教具送至白子。政康出遮路。七月。教具攻政康。拔

上箕田。林崎二城。政康走神戶。我兵追斬之。重編。應仁

記。文明三年三月。教具薨。年四十九。至從二位權

大納言。補任。長子政鄉嗣。次子親鄉。出繼大河內氏。

分脉。政鄉。初名政具。十三年。政鄉削髮號無外。遼方。傳封長

子材親。系圖。諸家傳。勢陽雜記。十八年十二月。材親出兵山

田。先是。神祠屬官分爲二。屬內祠者。曰宇治黨。屬

日本外史補 卷之六 山田黨

外祠者曰山田黨。至是兩黨生隙。山田黨置關於

岡本。絕內祠路。宇治黨來訴。材親命山田撤關。不

從。宇治乏食。再來訴。材親大怒。討山田。誅其魁村

上武則。餘黨悉平。既而宇治恃我專恣。山田竊懷

忿怨。內宮子良館舊記。內宮延德記。兩宮兵亂記。按國司紀畧曰。北島物語。兵家茶話。重編應

仁記。並以山田之役。係天文三年正月。為晴具為國司時之事。誤也。延德元年六月。

山田黨起兵。攻破宇治。子良館舊記。延德三年。復

攻宇治。縱火。幣一社奉上野邑人據伊蘇城。以應山

田。明應二年七月。材親自將攻下伊蘇。斬首千餘

級。遂伐山田。縱火三保。子良館舊記。延德永正五年十二

月。邊方卒。分脈。系圖。至從四位上。歷名土代。諸家傳。右近衛中

將。分脈。諸家傳。生五子。長為材親。次曰親忠。次曰親泰。

並出繼大河內氏。次曰孝緣。為興福寺別當。東門

院僧正。分脈。次曰具盛。出繼神戶氏。稱藏人。北島語。八

年三月。材親有疾。削髮。補任。號江心。徙大石山上。十

四年十二月薨。年五十。水迎寺緣起。至正三位。權大納

言。補任。子晴具嗣。天文五年。晴具削髮。補任。歷名土代。號天

祐。傳封長子具教而老。二十三年。具教遣兵伐長

日本外史補 卷之三 山田黨

野藤定勢陽雜記永祿元年藤定請和養具教次子具

藤為嗣五年五月藤定沒具教乃略北伊勢北畠物語

勢州兵亂記六年五月天祐卒年六十一補任寬永系譜諸家傳

至從四位下參議補任歷代生三子長為具教次曰

具政稱兵庫頭出繼木造氏次曰具親為南都東

門院主諸家系圖具教歷參議左近衛中將至正三位

權中納言補任十年尾張國主織田信長使其將瀧

川一益將兵攻北伊勢木俣茂福諸族皆降當是

時信長略取美濃據岐阜威震遠近八月信長入

桑名攻陷諸城遂攻高岡高岡神戶氏屬城也守

將山路彈正拒戰信長留一益而去十一年信長

將兵再來侵千草宇野稻生諸族皆附信長信長

復攻高岡城兵堅守信長度其難猝下乃議和以

其子三七為神戶氏義子是為信孝於是北伊勢

悉屬信長信長遂攻安濃城城屬長野具藤守將

細野藤敦驍悍力拒其弟川北內匠分部左京叛

降信長請更立長野氏後信長令弟信包冒長野

氏北畠物語本書信包作信兼今據信長記信長譜改之使內匠左京招藤

氏北畠物語本書信包作信兼今據信長記信長譜改之使內匠左京招藤

敦不從。或讒藤敦懷貳。具藤怒將誅藤敦。藤敦聞之乃叛。攻具藤於鑪鞆湯城。具藤逃歸多藝。勢陽雜記

信長使織田掃部守安濃。瀧川一益守蟹江。引兵

而去。掃部攻與山常陸於今德城。常陸固守。具教

赴援。是歲信長擁足利義昭西上。破六角氏。遂入

京師。破三好氏。悉定畿內。具教聞之。修大河內城

徙焉。以備之。傳封長子具房。而親決軍事。北畠物語本書

具房作信意。今從歷名土代。澤家文書。十二年正月。具教聞信長將

大舉來攻。大修守備。遣兵守今德。小森。八田。阿坂

諸城。日置大膳焚細頸城而入。援會三好氏復起

兵京師。信長擊之。不果來。五月。木造具政叛。具政

素為具教所踈。怨望。其臣柘植三郎左衛門與僧

源淨院俱勸具政。通款於織田氏。源淨院。木造氏

族也。後蓄髮稱瀧川勝雅。具教聞之大怒。遣兵攻

木造城。先是柘植氏致其幼女為質。至是串殺質

子。視之城中。城兵不下。北畠物語。勢州兵亂記。源淨院稱瀧川勝雅。據總見

記。八月。信長既平三好氏黨。率美濃尾張近江。及

畿內兵五萬來攻。北畠物語。勢州兵亂記。入木造城。以柘植

三郎兵衛勝雅

日本外史補 卷之一 三十一 岡田氏藏片

王水祐之清
左馬助光春

為鄉導。縱火民家。進攻八田城。守將大多和兵部少
輔堅守。敵不敢迫。信長遣使阿坂城議和。城將大官
含忍齋不肯。信長使其將木下秀吉攻之。含忍齋力
拒。其子大之丞以驍勇聞。射秀吉。中其左股。秀吉怒
攻之益急。會城中有叛者。以水灌火藥。城兵不能拒。
含忍齋父子致城而走。大河內記。北畠物語。勢陽雜
記。大之丞父名不詳。今據信
長記書其號。信長遂圍大河內。軍城東桂瀨山。諸軍環城
而屯。城據山臨壑。東帶大河內川。具教分兵守要害。
使日置大膳。家木之清。舟木光春。河村政房。守廣坂

新左衛門政房
勝三郎信輝

五郎左衛門長
秀伊豫守長通

口。敵將池田信輝。夜來攻。大膳等出拒。不利。光春進
射殪敵六騎。政房督眾力戰卻之。北畠物語。勢州兵
亂記。二書並不載
光春政房事。光春事據舟木
糸圖。政房事。據兵家茶話。具教潛令諸城襲敵營。
九月。船江城將本田親康。夜襲破敵將氏家常陸
於丹生寺。二十八日。池田信輝。丹羽長秀。稻葉長
通。潛兵夜從龍藏庵口入。薄第二城。我兵投炬。弓
銃亂發。敵兵不能進。大膳之清等奮戰大破之。獲
朝日孫八郎。波多野彌藏等十三騎。北畠物語。勢
州兵亂記。二
十八日。據
大河內記。城兵有空圓者。見敵卻走。開門呼曰。老

日本外史補 卷之一 三十一 岡田氏藏片

者守壯者出。眾爭出追北。乃閉門備敵。返擊。及眾還。檢察納之。具教稱其智略。十月。瀧川一益將北伊勢兵。從真蟲谷來攻我兵。齊發銃。人馬共斃。一益勵眾進。傳城。具教豫製竹槍數萬。今士卒登陣。捍禦。叢槍下垂如蝟。敵墜崖谷。死者無算。一益引退。北畠物語。勢陽雜記。舟木光經及子光教追擊。光教戰死。光經斬三騎而還。舟木系圖。信長合圍踰月。不能下。乃使人攀大樹向城罵曰。大腹御所。嚼餅。具房腰腹肥大。世因號大腹御所。具房怒。命善射者諸木

三左衛門光經
三右衛門光教

野彌三郎射罵者。矢洞胸貫樹。勢陽雜記。信長百方誘降城兵。無應者。野呂左近陰謀內應。發覺。斬之以徇。信長四絕糧道。欲以疲城兵。具教宰鳥屋尾石見守。豫慮糧不給。今軍中糝草木。具教身與士卒同食。以故食不乏也。北畠物語。勢陽雜記。信長知不可力取。乃遣使城中議和。且請以次子茶筥為具房義子。具教召諸將議之。藏田行俊進曰。信長欲一舉滅我。合圍五旬。未能取一障壁。曠日持久。糧食不繼。將自潰。我乘其弊。信長可擒也。且彼請和。出於一

時詐謀豈足恃乎。不如堅守以俟其有變。水谷刑

部少輔曰。假令信長懷奸詐。既以茶筥為子。是送

質於我也。何足為患。具教以為然。乃許和。大河養

茶筥為子。更名信雄。信長以織田掃部為南伊勢

奉行。輔信雄收兵去。北畠物語勢陽雜記。按國司

日。信長入木造城。以木下秀吉為先鋒。攻淺香城。

城兵不能拒。乞降。二十九日。信長以五萬騎圍國

司大河內城。使池田信輝。丹羽長秀。稻葉長通。繞

出城背疾攻之。城將大宮兵部少輔父舍忍齋。年

八十。削髮出降。信長宥死。輸城中貲財於大和云

云。是謬。混阿坂大河內兩城之戰。為一也。且既云

國司大河內城。又云。城將大宮兵部少輔父舍忍

齋。何也。可謂疎漏甚矣。神戶良政勢州兵亂記自

跋曰。先考外記君嘗云。信長記載伊勢之

事。多謬誤。外記當時之人也。所言必實。十二月。

掃部受信長旨。隲南伊勢諸城。曾原城將天花寺

小次郎拒之。元龜元年。掃部攻曾原。不下。潮田長

助。城四百森。拒織田氏。是歲。具教削髮號不智

齋。二年夏。信長趣具房攻曾原。天花寺小次郎拒

戰死。城乃下。北畠物語勢陽雜記。具房養妹為子。以配信雄。

不智齋城。三瀨自徙。而信雄居大河內城。勢日熾。

不智齋竊嘆否運。欲待時舉兵。天正元年正月。不

智齋聞武田晴信破德川氏將。西攻信長。潛遣使

通款晴信。三月再遣使謂曰。公若西上。吾且爲公具船以送。無幾。晴信死。計終不成。信長頗知之。亦不問。北畠物語勢三年。信長諭具房。讓封信雄。信雄徙居田丸城。具房亦同徙而老。四年正月。具房使烏屋尾石見守。烏屋尾右近將監如岐阜賀正。信長留使者不見。二使怒出。信長召返之。列幣於庭上。盛氣引見使者。手揮薙刀以視之。自是猜隙益深。夏。熊野人堀內安藝守起兵。不智齋陰誘之。攻拔長嶋城。不智齋既與織田氏惡。居常怏怏。兩

家將士交相凌轢。信雄近臣嘗入第。捕烏雀。我士鞭辱之。信雄愧憤。訴之信長。信長怒。命織田掃部給拘具房。誘北畠氏舊臣藤方刑部。與山常陸。長野左京。圖不智齋。啗以邑。授印書爲證。及期。常陸稱疾。返印書而遁。刑部使其臣輕大膳代已往。於是左京大膳潛兵詣三瀨。上謁不智齋。不覺。延見二人。左京直取楯上槍刺不智齋。不智齋驚起。避之。將拔刀。左右有內應者。膠其鞘。刃不脫。不智齋瞋目。睨曰。吾常疑汝有異圖。果然。左京遂弑不智

齋及幼兒二人。北島物語。輕大膳。一作加留左京。近臣大橋七兵衛。松田右衛門等十四人死之。左京使其奴重內持不智齋首去。芝山秀時。大宮吉守。大久保清左衛門。松井新九郎。及弟新次郎等。聞難赴之路。遇重內。直擊殺之。奉不智齋首。赴多藝。追兵來逼。清左衛門。及松井兄弟。畱戰死。秀時。吉守。得間而走。是日。多藝守將北島政成。獲信雄刺客。慮三瀨有變。令芝山出羽往護之。出羽。秀時父也。遇之于野野口。聞變驚愕。謂秀時。吉守曰。吾將葬主公首於

此汝第速去。赴南都。報東門院。二人即去。出羽埋

其首。畱拒追兵。馬上含刀投瀑布死。實十一月二

十五日也。多藝記。按寬永系譜。天正四年。具教有疾。瀧川三郎兵衛。柘植三郎左衛門。潛

兵。遲明。踰城入。時宿衛臣已散。獨有僧元作。及童子數人。侍左右。元作適出拜。日見賊兵大驚。走入

白之。具教欲出拒。拔刀左右。有內應者。折其刃。乃提薙刀。而賊出。兵三百餘。見具教皆懼。伏。具教大

呼曰。奴輩盍來取吾頭。賊益懼。不敢進。具教揮薙刀殺十九人。傷百餘人。登樓自殺。近臣方阿彌

馳來。焚樓殉之。城兵盡死。實十一月二十五日也。三郎兵衛。三郎左衛門。因瀧川一益。請賞。信長薄

其為。人不賞。與本書及北島物語不合。錄以備考。後八日。多藝城陷。政成

死之。初信雄將攻多藝。先遣二刺客刺政成。政成

日本外史補 卷之二
方憑几讀書。二人跳進欲搏之。政成有警力。引碁局投之。腦碎斃。一人逃走。擲小刀殺之。又有縱火城下者。政成盡捕斬之。既而大宮大之丞。芝山小平太。相津喜兵衛等。聞難來集者數百人。分守四門。誓以必死。日置大膳叛降信雄。與長野左京來攻櫃坂門。城兵擊卻之。敵又攻白口門。政成令士卒拒之。自簡精兵。欲襲田丸城。會敵將木下秀吉將三千人。合北伊勢兵。攻破櫻嶺口。兵競入。有一人先衆進。詐呼曰。我秀吉也。大之丞以阿坂之役。

不獲秀吉爲憾。射之。應弦而斃。又有詐呼者。真秀吉在此。大之丞怒。欲射之。矢盡。卽拔刀挺身而進。斬呼者自殺。喜兵衛犯陣。斬左京子團丸而死。松永藤兵衛生獲大膳第六兵衛。輕大膳子幸助。磔之城上。殺傷二十八人。歿之。政成血戰屢射。殪敵。敵兵益進。部下兵歿傷略盡。乃入城自殺。舉族死之。多藝記不智齋見弒。日。其族坂內萬輔。大河內教通。波瀨具祐。岩內光安等十三人皆遇害。田丸直昌以降免。具房素不得愛於不智齋。且爲信雄

益直昌

義父以故免死囚於瀧川一益家

北島物語具祐光安據法名帳

本書直昌作具直今從澤家文書藤方刑部之弒不智齋也父慶

由質于田丸城刑部往謁慶由怒視曰汝獸心敢

行大逆何顏來見也刑部謝曰兒憂大人為質謀

出於不得已慶由益怒曰汝向聞其謀盍速白之

主公也苟然吾身死亦無憾事已至此言之無

益乃投井死北島物語按勢州兵亂記慶刑部後

落魄為人所殺一本兵輕大膳亦得疾身強直死

世以為弒逆之報北島物語甲陽軍鑑具房後得釋削髮八

年卒年三十四羽林至左近衛少將歷名無子慶

長中其宗中院中納言通勝子親顯承具房後北島

物語諸家傳親顯歷從五位上侍從至正四位下

參議寬永七年八月卒年二十八無嗣祀絕補初

不智齋弟東門院聞北島氏難憤激潛出南都抵

伊賀蓄髮稱宮內少輔具親密招義故圖恢復於

是北島氏舊臣峰森鳥屋尾家木諸族應之奉具

親於森城築壘于鍊中守之天正五年春信雄使

瀧川勝雅日置大膳等來攻鍊中具親兵力拒死

傷甚多。遂棄城而退。山崎。菅谷。三竹諸城皆陷。獨波瀨峰城堅守。大膳合兵攻之。城將峰某力盡自殺。其弟及乙栗栖某為擒。不屈見殺。北畠物語敵遂迫森城。具親拒戰不支。脫身走備後。依毛利氏家木之清。從具親于城中。城陷。走川俣山。匿大樹上。追兵來圍之。清奮戰死。山副實有及弟六呂木實將甥波多瀨實德皆見捕。不屈。將就刑。實德年十五。貌韶秀。信雄憐之。欲宥死。實德不肯曰。三人同為擒。我何面目獨生。實有實將謂實德曰。我老矣。餘

十六兵衛實有
十之右衛門實
將
三郎實德

新次郎清秀
兵部少輔定義

命不足惜。汝年少何為爾。實德不聽。俱見殺。有玉井清秀者。亦從具親。及具親敗。與父定義匿神戶。搜索見捕。定義謂清秀曰。汝捨生取義。謀為君報仇。吾復何憾。乃酌水訣飲。俱就死。北畠物語具親在備後。久之復讐之志不衰。十年。織田信長為其將明智光秀所殺。其下爭權相攻。先是木下秀吉。更姓羽柴。威權漸熾。而織田氏益衰。具親謂時不可失。乃如伊勢。招致舊臣。於是安保大藏。岸江大炊助。稻生雅樂助等數百人。奉具親據笹山。十二

月晦出兵大河內。縱火民家。十一年正月。信雄使津川玄蕃田丸直昌。日置大膳來攻。具親力拒。衆寡不敵。乃走伊賀。瀧川勝雅來攻。我兵盡散。具親竄匿。潛往來伊勢。欲再舉兵。北畠物語十二年。羽柴秀吉與信雄有隙。以南伊勢。予其將蒲生氏鄉。八月。氏鄉將兵攻拔信雄屬城佐田。南出。遂圍奧佐田城。具親聞之。自伊賀往說氏鄉曰。織田氏我之深仇。吾欲假羽柴公力以復仇。本州我祖累世所據。多歸心者。子若見許。我請說之。城可不攻而降也。

氏鄉從之。具親乃遣使城中招之。城將堀山次郎左衛門致城去。十一月。秀吉與信雄和。思具親功。欲賞以有爾村千石。具親辭曰。躬爲武臣。非素志。願在京師事朝廷。秀吉爲奏請。具親未及如京師。以病沒。時人惜之。武德編年集成。勢陽雜記。按國司紀略曰。寬永糸譜。勢州之戰。具親屢有功。信雄予具親以國東寺三千石。然具親無緣爲信雄立戰功。蓋謬傳秀吉事也。

岡田僑曰。准后親房之乞救於結城親朝也。源義公論之曰。關城之圍。急於睢陽。而親朝觀望之罪。浮於賀蘭進明。人或疑之。謂親朝罪浮進明似矣。

張巡守城而死。准后棄城而走。二賢之行相反者。何也。曰。所處之勢異。而所任者不同也。夫睢陽爲江淮咽喉。無睢陽。是無江淮也。所係至重。故巡不可以去睢陽。唐因得全江淮財賦以濟中興。則巡之事畢矣。關城之於朝廷。非如睢陽之重也。准后之所以去吉野而東者。用結城宗廣計。欲奉

後村上帝如陸奧圖恢復也。不幸沮風。船漂至常陸。宗廣路病死。親朝以父死懷異圖。小田治久亦叛。是以入保關城。非其初志也。准后爲國元老。內

輔佐幼主。外籌畫軍旅。實與國家共休戚。不可守一城而已也。其意以爲嬰孤墉。徒死無益。不若還輔君爲後圖也。此大臣爲國家深慮者。准后之不可死於關城。猶巡之不可不死於睢陽。使巡爲准后。亦不過爲准后所爲而已。所謂死輕於鴻毛。亦重於泰山。非此之謂邪。准后三子。皆勇敢重義。而顯家舉陸奧兵。敗尊氏於京師。再舉敗義詮於鎌倉。其功烈最偉矣。惜其不守要害。懸軍長驅。賊躡其後。一敗殞命。非由失地利邪。方顯家取鎌倉。關

東與羽多屬尊氏者。未可遽出兵也。使其據鎌倉。招致東北官軍。蓄力養威。俟其兵集。使弟顯信率諸軍西向。則有應援之繼。而無回顧之患。尊氏既失關東之援。勢沮意懼。不能久留京師也。我因與楠和田諸族合勢。伺釁乘機。可以制勝。此萬全之策也。計不出於此。以無繼之兵。當猖獗方張之賊。宜其取挫衄也。雖然。當時至尊播越。顯家切於勤王奉命。卽就途。不暇其他。亦足見臣節之純矣。

日本外史補卷之一

早稲田大学図書館

011688999563